



ԿՐՕՆԵԿԵՆ, ՊԵՏՄԵԿԵՆ, ԻՆՆԵՍԻՐԵԿԵՆ, ԵՒ ԲԵՐՈՅԵԿԵՆ.

ԹԻՒ Գ. — ՀՐԶԱՆ Ե.

1872

ՏԱՐԻ Դ. — ՄԱՐՏ 31

Կ Ր Օ Ն Ա Կ Ա Ն

ՊՏՈՒՂ ՅԱՆԿԱԼԻ

ՈՐ Է

ՄԵԿՆՈՒԹԻՒՆ (ՍՈՒՐԲ ԵՍ ՏԵՐ,,

ՀԱՐՑԻՆ.

(ՇԵՐՆԵՆԻՆԻՆ.)

Պատասխանի որպէս յառաջագոյն ասացաք լինել յապականութենէ օգոց, ի ձեռն հրեշտակաց առ այն տրամադրեալ, այս ինքն առ ի լինել մահտարածամ, որք ունին տրամադրել առ ընկալնուլ, յընդունել զօղս, ձգեն յանձինս զհիմն ցաւոց, ուստի ըստ մարմնոյ խոյս տալ և առանձնանալ յապահոյ տեղիս, և յօդամաքուր վայրս առ ի ազատ լինիլ յապակաւութենէ նորին՝ մարթ է յայնպիսի ժամանակի, որպէս և Կոռնել. ասէ ի Մեկ. Ելից Թ. 3. “Գեղ ժանտամահութեան

առնշանադրեն զփախուստն յապականեալ օղոյ, զբօսանս և զենդութիւնս, զհաստատ կերակուր, և զըմպելի զօրացուցիչ սրտի և ոգւոյ, զգուշանալ ի կերակրոց՝ որք դիւրապէս ապականին և նեխին, ցանգ մաքրել զնեխեալ խոնաւութիւնն հալուէիւ (սապո), զմոսաւ (ասլաէնտ), և քլքմաւ (զաֆրան), որպէս և թիրեաքաւ, զէտօարիւ, իլիմօնիւ, շտրաւ ծառի (սալորի), յաճախ փոխել զհանդերձս, և զյատակս զգենուլ, զբերանն և զձեռն ցանգ լուսնալ քացախով, ևս և երբեմն հզօր զինեալ,,:

Երկրորդ՝ ասացաք լինել ի ցասմանէ հրամանի Աստուծոյ, ապա ամենայնի պարտ է յզգուշութեան վայրի զԱստուած ընդ ինքեանց հաշտեցուցանել պատարագօք և խոնարհութեամբ՝ որպէս Դաւիթ. Բ. Թադ. Ի. 17. աղօթիւք և պաղատանօք որպէս Եղեկիա, Եսայ. Լ. 10. ապա թէ ոչ վայրապար է զգուշութիւնն առանց հաշտեցուցման Աստուծոյ ընդ ինքեանց,

և առաւել շարժիչ կամացն Աստուծոյ ի բարկութիւն. և այնպիսիս արդարեւ տեսանի տակ, Աստուած՝ լերանց է Աստուած, և ոչ դաշտաց, զոր ցնորէին անուղղայքն. ըստ այսմ և մարդարէն յորդորէ, «փախիր աղօթիւք և աստուածաշատութեամբ առ Աստուած. և թաքիր այս ինքն զգոյշ կաց առ ժամանակ մի՝ այս ինքն արտաքին աշխարանօք ևս՝ որք են պահեցողութիւն, քուրձ զգննուլ, լալ զարարեալն, մինչև անցցէ պատիժ բարկութեան Տեառն այս ինքն մինչև հաշտեցուցես ընդ քեզ Տէր, և անցցէ զքեզ ցատումն նորա. որ օրինակ երևի Նշեց ժԻ. ուր ասէ Տէր ցԻսրայէլացիս. «Բայց դուք մի՛ ելանիցէք իւրաքանչիւր ընդ դուռն տան իւրոյ մինչև ցառաւօտ, զի անցցէ Տէր հարկանել զԼգիպտացիս», . ուր ասէ մեծն Սարգան, «Տեառն հրաման անցանէր հըրեշտակիւ. ընդամենայն Լգիպտոս, և զանդրանիկսն հարկանէր», : Ըստ այսմ խօսի և մեկնիչ ոմն յասելն «Ի պատուհասել Աստուծոյ զանդգամս ի քաղաքի ուրեք՝ արժան է ժողովրդեան Տեառն խոյս տալ և առանձնանալ յապահով տեղեղջ և պահել զգրունս, և կամ փախչիլ և թազչիլ ուրեք մինչև անցցէ պատիժ բարկութեան Տեառն», : Եւ այն զոր Գաւիթ ասէ՝ ոչ զգողութենէս ասէ՝ որ գովելի է և ոչ խոսելի, այլ զներկայութենէ Աստուծոյ է ասէ, որ ամենայն ինչ մերկապարանոց է առաջի Աստուծոյ, զի ասէ փախեայց, և յաղօթս կաշն բոլորով սրտիւ մերձենալ է առ նա, և ոչ փախուստ. զի փախչելն է յԱստուծոյ՝ զկամս նորա ոչ առնել՝ և միշտ ի մեղս թաւալել, որք օտար են ի բանից մերոց:

Ասիցես երկրորդ. Աստուած՝ իւր է ներգործութիւն՝ իւր իմացումն՝ իւր կամեցումն, և ոչինչ ներգործութիւն նորոգ յառաջ ածէ, կամ ընդունի, յորժամ որոշէ զիւր իմն ազատօրէն. վասն այսորիկ ոչ լինի ի նմա փոփոխումն. ապա կամքն Աստուծոյ է անփոփոխելի. և զի ի կամաց նորագայ հասանի պատիժն, պարտ է զի անփոփոխապէս կատարեսցի. ուրեմն հետևի թէ ի զուր ուղղեմք զաղօթս առ Աստուած: Պատասխանի: Ոչ իրրեւ առ մարդս ուղղեմք զաղօթս (առ Աստուած), զորոյ կամս ի մերս ձգել ակնկալեմք, որպէս զի կամեսցի զայն զոր յառաջն ոչ կամէր. և զի փոխեսցէ զետրհուրդս եթէ հակառակ ինչ ունէր ի մաի զմէնջ, այլ զԱստուած աղերսեմք, զի դարձուցէ զկամս մեր առ ինքն՝ որ ուղիղն է ամենայն բարեաց սկիզբն, և յայնժամ անշուշտ հաւատ ընծայեմք լսելի լինել աղօթից մերոց, յորժամ փոխարկին կամք մեր յԱստուածայինն, որպէս ասէ Սողոմոնիւ. Առակ. Բ. 17. «Եւ որ զիսն սիրեն, սիրեմ. և որ զիսն խնդրեն՝ զայցեն», . ուր ասէ սուրբն Ներսէս Լամբ. ի ՍԻ կն. Առակ. անդ. «Ոչ ասէ թէ ես սիրեմ, և այնպէս զսիրելիսն յիս ձգեմ, և կամ՝ երեւիմ ոչ խնդրողացն, այլ թէ՛ որ զիս նախ սիրեն, ապա սիրեմ զնա, զի թէ ոչ սիրողացն երևէր, և բռնի առ ինքն ձգէր, անձնիշխան կամքս ի մեզ անգործ մնայր. այլ ըստ կարգի՛ այս է, նախ մեզ զինքն սիրել, և ապա ինքն զմեզ սիրել. զի նախ Աբրահամ հաւատաց յԱստուած, և ապա համարեցաւ նմա յարդարութիւն, և կոչեցաւ բարեկամ Աստուծոյ. և նախ որդիքն Իսրայէլի աղաղակեցին, և ապա Աստուած լուաւ նոցա. և Վրխատոս ա-

սաց “ Խնդրեցէք, և ապա տացի ձեզ . հայցեցէք՝ և ապա զտջիք , , և դարձեալ եթէ կայցէք դուք յիս սիրով , ապա և ես կայցից ի ձեզ նովին սիրովն . և զոր ինչ խնդրեցէք արարից , , : Արդ՝ զոր այս այսպէս է, և հնար է Աստուծոյ՝ մարդոյ երեւել, առանց մերոյ խնդրոյ. վասն այսր հարկ է որոց ի մարդկանէ վարժողքն են և ուսուցիչք, քարոզել ազիտաց զսէր նորին, և ձգել հաւանական բանիւ զմարդիկ առ Աստուած. ըստ որում ասէր առաքեալն, “ Խօսեցայ ընդ ձեզ իրրեւ զկոյս մի սուրբ յանդիման կացուցանել Վրիստոսի , , : Եւ դարձեալ “ Վասն Վրիստոսի պատգամաւորիմք, որպէս և Աստուծոյ բարեխօսութեամբ մեօք , , : արդ այս այսպէս է, որ սիրէ զնա՝ փոխարէն ընդունի զսէր նորա. մինչ աղաղակել “ Ինչ կեանք Վրիստոս է, և մեռանել շահ , , և “ որ խնդրէ՝ գտանէ ծանապարհ և դուռն և առհաւատչեայն երկնից Արքայութեանն , , : Եւ դարձեալ մեկնելով զբանն “ ի Տեառնէ պատրաստին կամք իմ , , ասէ մեկնիչն Առաք. Բ. 35. “ Կամք որ յիս ձգին ի Տեառնէ պատրաստին , , այս ինքն յԱստուծոյ ի Հօրէ, որպէս ասաց Վրիստոս, “ Ոչ որ դայ առ իս՝ եթէ ոչ Հայրն իմ երկնաւոր ձգեսցէ զնա , , : արդ, ասէ, անհնար է ումեք հպել յայս իմաստութիւն՝ եթէ ոչ յԱստուծոյ զօրանայցէ. բայց նախ ինքն զկամս տայ, և ապա Հօգին սուրբ պատրաստէ զնոյնս. և յարդարէ առ վերին հայեցողութեանն իմաստս. ըստ այսմ աղօթիւք և հայցմամբք դառնալն առ Տէր՝ զշնորհս պատրաստութեան կամաց ստանայ, և շնորհօք զշնորհս. վասն որոյ հաշտակամք հայելով նմա Աստուած, ասէ առ

հրեշտակն “ Շատ է այդ, ամփոփեա զձեռն քո , , : Եւ արդ՝ ասելովն “ ի ցասմանէ քում հրամանի , ,՝ որպէս թէ ասէր՝ դու որ անփոփոխելի բնութիւնդ ես, նոյն գոլով յամենայն յաւիտեանս, անայլայլելի ցասմամբ, հարկանես զկամս մեր՝ զանազան պատժոց առաքմամբ, որով կամիս զի ուղղեսցին կամք մեր ի կամս քո. և յուղղելն՝ լսես աղօթից և աղաչանաց մերոց. ապա աղաչեմք և պաղատանօք հայցեմք ի մարդասիրութենէ կամաց քոց. խնայեալ քոյոց հաւատացելոց և պաշտօնէից կամաց քոց, որք ի ձեռն խրատուդ դարձուցին զկամս իւրեանց ի պատուիրանքս քո, զորս աւանդեցեր Եկեղեցւոյ սրբոյ քո. վասն որոյ ապա յարէ քաղցրարանելով և ասէ, “ Բարձ ի մէջ բարեխօսութեամբ և աղօթիւք սրբոյն Յակօբայ , , : Ի կատարիլ հետեւեալ կամացն Աստուծոյ՝ անյապաղ լսէ բանից աղաչանաց մերոց, զի վասն այն խրատեաց զմեզ՝ զի դարձուցուք զկամս մեր առ նա. և ի դարձուցանելն խնդրեմք զբարձումն պատժոց. ըստ այսմ խնդրէ և սա ասելով “ բարձ , , : ոչ լինի բարձումն պատժոց, եթէ ոչ նախ կասեսցի հրաման նորա. և կասիլ հրամանին ոչ լինի՝ եթէ ոչ ի կատարիլն հետեւորդ կամացնորա. զի կամք Աստուծոյ ըստ մեր զիտման, յերկուս նկատի, ի հետեւեալն և ի նախընթացն. նախընթաց կամօք կամի Աստուած՝ զի ամենայն մարդ կեցցէ և իզիտութիւն ճշմարտութեան եկեսցէ. ըստ այսնում Մատ. Ի 9. “ Վանիցս անգամ կամեցայ ժողովել զմանկունս քո, և ոչ կամեցայք , , : Իսկ հետեւեալ կամօք չկամի զանարդութիւն արդարոցն, ըստ որում արդար, և է այնպիսի ըստ առաքելոյն “ Կամաց

նորա ոչ որ կայ հակառակ , , . Հռով . Թ .
 վասն այսորիկ ասացաք ըստ հետեւեալ կա-
 մաց կատարմանն, կասի և հրամանն, ուս-
 տի և վերանայ պատուհասն. վասն այսորիկ
 ասաց «ի մէջ , , . քանզի նախընթաց կա-
 մօք կամեցաւ Աստուած, զի դարձցին ա-
 մենեքեան և կեցցեն, բայց ոչ կամեցան,
 և ի բերան սրոյ պատուհասի մեռան. և
 կամեցողքն հաւանեցան, և դարձան առ
 Տէր ըստ հետեւեալ կամացն Աստուծոյ.
 վասն որոյ խոնարհական հայցուածովք ա-
 ղերսեն բառնալ յինքեանց զհրամանն սա-
 տակմանն՝ զի դարձան առ նա. ըստ այսմ
 իբրեւ քաղցրա՛նուազ խօսնակ գեղեցիկ կար-
 գեաց երգելով թէ «ի մէջ , , . այս ինքն
 ի հաւատացելոցս, զի ճշգրիտ եղանակ կա-
 տարելոյ զկամս Աստուծոյ՝ միայն ի քը-
 ռիստոնէից ճշմարտապէս ճանաչի և կա-
 տարի, և ոչ յանհաւատից, զի նոքա ոչ
 կամին լսել ձայնի կամաց նորա և առնել,
 թէպէտ առնել զիտեն, բայց և նոցա առ-
 նէ Աստուած ողորմութիւն վասն հաւա-
 տացելոյ՝ յայսմ աշխարհի. իսկ ի հան-
 դերձեալն ըստ իւրաքանչիւրոց պահի հա-
 տուցունն, ըստ այսմ և Աբրահամու ասաց,
 «Աթէ իցեն յիսուն արդարք՝ ոչ կորու-
 սից վասն յիսնիցն , , . իսկ վասն մեղաց Սո-
 դոմացւոց բարձաւ ի նոցանէ զՎոփտ: Աւ-
 երբեմն հասարակօրէն ըմպեն զբաժակ
 Տեառն արդարք և մեղաւորք. այսպէս և
 զբաժակ պատուհասի ի միասին ըմպեն.
 իսկ իւրաքանչիւրոցն պատիւ և պատու-
 հաս ի հանդերձեալն պահի. ըստ սմին և
 ի զիրս «Կմանութեանց՝ բարձրեալն անար-
 ժանից վասն օգտութեան այլոց ասի, քան-
 զի անձրեակն վերարկուն՝ ոչ վասն այն
 արկանի ասէ ի վերայ այլոց զգեստուց՝ զի

աղնուաղին է, այլ զի նա միայն աղտե-
 ղացի և պահեցէ զայլ զգեստս , , . երես
 956. սոյնպէս և զայլ օրինակս յառաջ
 ածէ անդանօր, և սոքօք յայանի երեւի՝ զի
 երբեմն անարժանից առնէ Աստուած ողոր-
 մութիւն ի պատիւ երեսաց կամարարաց
 իւրոց, և յօգուտնոցա. վասն այսորիկ նախ
 ի հաւատացելոց հայցէ զբարձունն պա-
 տուհասի, ընդ որով ապա լռելեայն յա-
 մենեցունց, ըստ որոյ ասէ «բարձ ի մէջ , ,
 այսինքն յաշխարհէս. բայց բարկացեալ
 թագաւորն դիւրաւ ոչ ընդունի զաղա-
 չանս՝ այլ միայն զսիրելեացն. որոյ պատ-
 ճառն է՝ զի սիրելին իբրեւ զինքն ի պատիւ
 կամ յանարգանս է. ուստի զառաջինն
 զկամս նորա կատարէ, և ձայնի նորա լսէ,
 վասն այսորիկ ի ձեռին առեալ զբարեխօ-
 սելն սիրելոյն Աստուծոյ սրբոյն Յակօբայ,
 զի դիւրաւ լուիցէ մաղթանաց ձայնի, վասն
 որոյ յարակցէ ասելով, «բարեխօսութեամբ
 և աղօթիւք սրբոյն Յակօբայ , , .
 Աղօթք սրբոյ՝ որ վասն հաւատացելոց՝
 յայանապէս ետես սրբազան Աւետարա-
 նիչն Յովհաննէս ի Յայանութեան իւրում.
 Եւ 8. «Օ՛ի քսան և չորք երիցունք ու-
 նէին իւրաքանչիւր որ քնար, և բուրվառ
 ոսկի լի խնկով՝ որ է աղօթք սրբոյն , , .
 զորմէ ասէ Առնունդիոս ի Մեկ. Յայտ. անդ,
 առնշանադրելի է աստ ընդ դէմ Ա՛խճի-
 լանցիոսի և այլոց, թէ սուրբքն վասն մեր
 զաղօթս առ Տէր մատուցանեն, մանաւանդ
 հրեշտակքն, ևս առաւել առաքեալք և
 առաջնորդք, որպիսիք էին քսան և չորս ե-
 րիցունք. որք ամենեքեան վասն ստորագ-
 րելոց աղօթեն առ Աստուած, և զհարկա-
 ւորութիւն նոցա հայցեն հանապազ : Եւ
 դարձեալ ասէ ինոյն գլուխ Բ. 3. «Սուրբ»

քրն են որք զաղօթս Աստուծոյ մատուցանեն վասն հաւատացելոց ,,: Բայց աստանօր ըստ ազգ առնելոյն Առնունելայ, ի միջ բերին հերետիկոսք զբան մարգարէին Ազնկիելի՝ թէ “ Ասէ Աստուած՝ եթէ իցեն արքն այնոքիկ ի միջն նոցա, ‘Նոյ, Յօբ, և Ղանիէլ, նոքա արդարութեամբ իւրեանց ապրեսցին՝ ասէ Ազոնայի Տէր ,,: Ապա ուրեմն ի ժամու բարկութեան Տեառն՝ ոչ է օգուտ ի նոցանէ: Առ այս պատասխանէ Առնունելոս. “ Աստուած, ասէ, ոչ ասէ աստ զի մի՛ զսուրբս աղաչեսցեն՝ որպէս կարծեն, այլ զինքենէ ոչ է լսելոց, ոչ թէ զնոսա ոչ սիրէ, կամ ոչ լսէ, այլ զի այնքան է ամբարշտութիւնն և յամառութիւնն շրէստանի, զի զնա ամենեւին Քաղդէացովք ասպատակել վճռեալ է. և ոչինչ աղաչանաց լսել կամի զի ներեսցէ, զի որպէս ասացաք ի վերոյ, հետեւեալ կամքն Աստուծոյ ոչ յետս դառնայ մինչև կատարեսցի. ապա թէ ոչ, ասէ, յայտ է Ղանիէլի՝ ԹՎ. 1. ապաշխարանօք շրէից զազատութիւն ի գերութենէն. Յօբայ՝ ԽԲ. 8. զթողութիւն բարեկամաց իւրոց. ‘Նոյն՝ զի մի՛ այլ ևս մարդիկ ջրհեղեղաւ կորիցեն. ապա մարթ է աղաչել զսուրբս ի ժամու պատժոց դարձուցանելով զկամս առ Աստուած, և օգուտ ի նեղութեան անբաւ տեսանեմք հասեալ ի նոցանէ: Ըստ սոյն ասէ և Վանական վարդապետն. ԻՄեկ. Յօբայ, ԽԲ. ի վերայ բանին Յօբայ՝ զորմէ ասաց Աստուած առ բարեկամս նորա թէ “ Յօբ ծառայ իմ արասցէ աղօթս վասն ձեր. հաշտն ասէ և բարեկամն յորժամ կամի ումէք ոգորմել, նիւթ և առաջնորդ սնուու զարդարան, որպէս Աբրահամ Արիմելեքայ. և զՄովսէս և զԱհարօն ժողո-

վըրդեան. և զԼէւիա անձրեւին . . . բայց դու տես, ասէ, զի ոչ կարեն օգնել պատարագքն, այլ մատուցողք պատարագին. վասն որոյ ասէ նախ՝ թէ “ զաղօթս արասցէ ,,: այսպէս վայել է և յաղազս Աբելի. հաճեցաւ ասէ նախ յԱբել, և ապա ի պատարազս նորա. զսոյն զայս վկայելով և սա ինքն երանելի շայրապետս՝ էառ ի ձեռին զսուրբ այրս Աստուծոյ զնա ինքն զսուրբն Յակօբ բարեխօս և միջնորդ լինել մաղթէ երգելով առ Աստուած “ բարեխօսութեամբ և աղօթիւք ,,: բանք և խօսք սրբոցն՝ որպէս ասացաք՝ առ Աստուած՝ իմանալիք են և հոգեղէնք ըստ օրինակի հրեշտակաց, բայց զանազանք ըստ շարժման կամացն (Աստուծոյ) իւրեանց, ընդ որս հաճեալ Աստուած առաքէ զօգորմութիւն իւր յաշխարհ: Եւ զի յատկապէս վասն բարձման մահտարաժամու է միջնորդ և բարեխօս փառաւորեալն և երջանիկն ի սուրբս հրաշալի հայրապետն տանս շաւոյ սուրբն Յակօբ, վասն այսորիկ զսա առնու միջնորդ ի ձեռին ասելով “ սրբոյն Յակօբայ ,,: միացեալն սրբութեամբ ի լոյսն գերամաքուր, և սիւնն լուսոյ սրբութեան, կանգնեալն յԱկեղեցին, լուսածագ շառաւիղ. շօրն մերոյ սրբոյն Ղարի հոգեոց լուսատուին, և ընտանին ընդ նմա յերկինս և յերկրի, որ յանմարդաբնակ յանապատին հիացոյց զիմանալի բռնութիւնս հրաշալի ճգնութեամբն, ընդ նմին և զազգ մարդկան. օրինակ, հրաշիւք ապշեցուցեալ զարմացոյց՝ զանդամարոյծս գնացուցանելով, զմեռեալս յարուցանելով, զախտս և զհարուածս բառնալով, անդարձ մաղթանօք իւրովք. որոյ սքանչելի համբաւ ոչ միայն յազգս քրիստոնէից

տարածեալ, այլ և անհաւատից անգամ քարոզեալ և հռչակեալ. որովք ոչ սակաւ անհաւատից էած յուղիղ յարքունի պողոտայն զդաստացեալ գլխովին, ոչ միայն յառաքինակատար կեանս անցաւոր, այլ և զինի տիրակոչ վախճանին բարձմամբ զբժընդակ ախտից՝ հարուածոց և քսամնափուշ հիւանդութեանց, և պէսպէս սարսուելի ախտաժեւորութեանց ջերմ սիրով ամենակալին՝ և սրախ ջերմեռանդութեամբ, ի բարեխօսութիւն իւր զիմել ապաստանելոց, որ և մինչև ցայսօր զհիանալիս գործէ գործս՝ անհետագարձ մաղթանօքն՝ որ առ Տէր. յոյր վասն և սա ինքն եօթնաջահան լուսոյն ընդունակ այրս ըստ սրտին Աստուծոյ սուրբն՝ Աերսէս Հնորհալին՝ զբաղմերախտ հայրապետիս սրբոյն Յակօբայ զբարեխօսութիւնն յուշ առնէ յարաժամ, յորդորելով զամենեւեան զմեղսամած որդիքս նորա ապաստանիլ յանդարձ մաղթանս նորին, և միջնորդ առ Տէր ունիլ ի ձեռին ի բաղմած ուփ խոովութեանցս վայրի, յորում ազգի ազգի քրսամընելի ախտք և հիւանդութիւնք վասն մեղաց մերոց զօրացեալք առ մեզ հասանին. ուստի որպէս մեղր քաղցր ի բերան սրբոյ հայրապետիս ձայնէ նուազելով՝ «բարեխօսութեամբ և աղօթիւք սրբոյն Յակօբայ, և Բարեխօսութիւն սրբոցս ոչ նրպաստէ մեզ ի մահտարաժամէ և եթ ազատիլ, այլ յամենայն ցաւոց և ի պատուհասից, և յանփոփոխ ցասմանէ Աստուծոյ և ըստ արդար իրաւանց առ հէքս արագ հասելոյ, ի դիւական լիկմանէ, ի յրնգարոյս վշտաց, ի ձախողակի նեղութեանց, ի բաղմազան փորձութեանց, որք ի յանցանաց մերոց զօրացեալք զմեզ թեւակո-

խեն. վասն որոյ ոչ դք է յաստուածասէր արանց՝ որ հայցէ անտի օգնութիւն ջերմ հոգւով և անթերի հաւատով, և ոչ առնուցու յինչ և իցէ նեղութեան. սակայն բովանդակապէս խօսելով, առաւել պահպան գոլով սրբոյս ազատել զվշտանեալս ի ժանտախտէ և տիրահաճոյ մաղթանօք բառնալ յերկրէ զախտն գլխովին՝ տիրապէս մարթ է այսպիսի դառնաղէտ ժամու և ժամանակի ի մշտափայլ բարեխօսութիւն նորին դիմել, որով փայլի ի պարս սրբոց առաւել արդեամբք հրաշից առ ախտաժէտ անձինս, և խնդրել ի նմանէ զերագահասն օգնութիւն, առնելով յանուն նորա զպտուղս առաքինական արդեանց՝ զողորմութեանց ասեմ և զաղօթից, որ և նա շարժեալ ի գութ հայրական ըստ առաքինական գործոց և վաստակոց որ յանուն իւր՝ հատուցէ կրկնապատիկ բարիս միջնորդութեան և բարեխօսութեան իւրոյ՝ ի դէպ ժամու օգնականութեան: Այլ արդ զտեալ զմիջնորդ հաշտութեան դարձուցանէ զերզս բանից իւրոց ի հայցուածս օգնութեան, ի ներող լսողութենէ նորին առ վաղ ընկալնոյ՝ ասելով:

(Երեսնակէն)

ԴԱՍԾԱՍԾՅՈՒԹԻՒՆ ԿԲՕՆԻ.

(Երեսնակէն)

ԱՍՏՈՒԱՍԾՆԵՔ ՈՒՍՈՒՄԸ.

Աստուածաշնչի ուսումը պէտք է ուսումնական աշակերտին այն ժամանակից իսկ, երբ նա մտնում է ուսումնարան, Աստուածաշնչի պատմութիւնները պատմելով